



Broj: 02-11-3324-1/21  
Ilidža, 29.07.2021.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 19. Statuta Općine Ilidža-Prečišćeni tekst („Službene novine Kantona Sarajevo“, broj: 33/10 i 18/16) i Zaključka Općinskog vijeća Ilidža, broj: 01-02-3038/21-4 od 07.07.2021. godine, kojim se ovlašćuje Općinski načelnik za poduzimanje svih radnji i aktivnosti s ciljem iskazivanja interesa fizičkih i pravnih lica-dužnika Općine Ilidža za izmirenje glavnog duga i troškova sudskog postupka, uz oslobađanje od obaveza plaćanja zakonskih zatezних kamata, a po osnovu naknade za zakup poslovnih prostora, zakup javnih površina, dodijeljeno zemljište, rušenja objekata i rentu, Općinski načelnik objavljuje:

### JAVNI POZIV

1. Pozivaju se sva fizička i pravna lica, koja imaju dugovanja prema Općini Ilidža na ime naknade za:
  - zakup poslovnih prostora
  - rušenje objekata
  - zakup javne površine
  - dodijeljeno zemljište
  - rentu

da iskažu interes za izmirenje potraživanja prema Općini, plaćanjem dugovanja po osnovu glavnog duga i troškova sudskog postupka, a Općina se obavezuje da će iste osloboditi obaveze plaćanja zakonskih zatezних kamata.

2. Svi zainteresirani se mogu obratiti Pravobranilaštvu Općine Ilidža, najkasnije do 31.08.2021. godine, do kada ostaje otvoren Javni oglas, sa pismom namjere uz izjavu da će platiti glavni dug i troškove, uz oslobađanje od obaveze plaćanja zakonskih zatezних kamata po osnovu glavnog duga.
3. Svim zainteresiranim licima daje se mogućnost da izmire dug prema Općini najkasnije do 15.11.2021. godine.
4. Prema licima koja ne iskoriste ponuđenu mogućnost i ne izmire utvrđena potraživanja prema Općini u skladu sa naprijed navedenim, postupci pred nadležnim sudovima će biti nastavljeni.
5. Nakon provedene procedure Općinski načelnik će sa dužnicima koji su iskazali interes, uz pribavljeno mišljenje Pravobranilaštva, zaključiti Sporazum o izmirenju glavnog duga i troškova sudskog postupka uz oslobađanje od obaveze plaćanja zakonskih zatezних kamata.



Po okončanju procedure Javnog poziva Općinski načelnik dostaviće Općinskom vijeću izvještaj o provedenom postupku sa prijedlogom Odluke o otpisu zateznih kamata.

6. Lica koja izraze spremnost za postupanje po ovom Javnom pozivu preuzimaju obavezu da Službi za finansije, odnosno drugoj nadležnoj službi, dostave dokaz o blagovremenom plaćanju glavnog duga i troškova sudskog postupka u skladu sa Sporazumom iz stava 2. Javnog poziva.
7. Nakon plaćanja glavnog duga i troškova sudskog postupka od strane dužnika, nadležni općinski organ će pristupiti otpisu zakonskih zateznih kamata uz izjašnjenje Pravobranilaštva Općine Ilidža.
8. Ovaj Javni poziv se objavljuje u dnevnim listu „Avaz“ i službenoj internet stranici Općine Ilidža.
9. Prijave se podnose Općini Ilidža u zatvorenoj koverti, direktno na Protokol Općine Ilidža ili preporučeno putem pošte na adresu Butmirska cesta broj 12, 71210 Ilidža.  
Na zatvorenoj koverti obavezno je naznačiti:  
Pravobranilaštvo, Ne otvarati – po Javnom pozivu za otpis zateznih kamata.  
Na poledini zatvorene koverta obavezno navesti: naziv podnosioca prijave, adresa i kontakt telefon podnosioca prijave.
10. Općina Ilidža ne snosi nikakve troškove podnosioca prijave u pripremi i dostavljanju prijave po ovom Javnom pozivu.

**OPĆINSKI NAČELNIK**

**Nermin Muzur, magistar uprave, s.r.**

